

洞玄金玉集卷之六

氣六

洞玄金玉集卷之六

氣六

六言詩

題怡老亭

我有一卮芳酒待與知音同友  
看來塵世忙忙無似清閑野叟

又

落魄婪耽因酒酒飲醉醒曾有人問我誰

家家祖扶風莘叟

祖諱覺  
字莘叟

復用前韻贈隴州魏司判

好飲長生仙酒好向無中尋  
有好禮自心為

師好做物外清叟

繼胡公講師韻

張非爲妙語舉世間談話句不如不話默默

中妙話

拆口  
字起

讚史先生

氣六

史公得遇得遇重陽重陽傳授傳授玄黃玄  
黃至理至理不忘內持修鍊外絕炎涼水火  
既濟日月交光龍吟離位虎嘯坎房木金間  
隔嬰姤圓方刀圭爛飲知味聞香神丹結正  
晃耀晶陽風仙來度顯出嘉祥歌舞三日辭

別街坊唯云歸去趑趄逢莊復入菴內奄然  
而亡觀者雲集事理匪常一靈真性班列仙  
行

歌

濟度歌

借東  
皮頭

我無去就心何處不搖不動三陽宇一志超  
然不外求萬事俱忘常內顧自銜無拘落魄  
人逍遙坦蕩樂清貧身如野鶴無縈繫意似  
孤雲無點塵無功無法心打坐閑是閑非耳  
邊過人來請我求追薦再三再四難阻面環

牆結夏應加持日禱一齋非下賤真經默念  
起慈悲救苦咄開地獄門孤魂滯魄脫枷鎖  
狂歌狂舞亂紛紛承斯功德得遷轉祥雲引  
赴瑤池宴我觀世事忒然空又把世人當酷  
勸求財求財須重義不義之財如刀利不如

氣六

二

照破事情踈猛棄妻男大丈夫莫忘初志休  
生退日就月將如我輩視無所見聽無聲不  
視不聽得視聽法體無形形自現法鼓無聲  
聲自鳴出門入戶自迎送迎送往來通妙用  
重陽傳授與山洞我今轉付與諸公自然霞

彩通車軾自然準望神仙職到此不分西與  
東何愁無分繼扶風人還悟此玄玄理方信  
蓬瀛指顧中

慈惠歌

藏頭  
拆字

然幸遇重陽仙我俱忘半拖袂冠不整效師

家羊不食非邊裔非邊裔訣傳來十三歲戟  
心腸久已無滅煙消三吉髻行大善起慈悲  
念哀人勸世靈無染永清清氣調勻常細  
細常細細種丹田仙踵繼綿細絹敵風霜惠  
貧人任破敝筆不侵利與名舌奚言犬與氣

來靈物吐紅輝顯教門詩曲綴有鶴疏來請  
予寧對我專發誓其進薦救亡靈志可憐慈  
可惠神默禱本師真此申聞陰府詣下孤魂  
滯魄甦天超度如舟濟聲歌詠九臯禽有青  
鸞赤鳳唳拆字起

普救歌

氣六  
藏頭  
拆字

色水流梁棟間烏月兔來共處誠守道得真  
懽意常清通妙語通妙語論傳玄鍾與呂訣  
復授王風仙侗得遇獲深趣觀玉姹洞中歌  
喜金嬰空裏舞空裏舞年陝右居環堵來月

往猿停馬滅煙消龍纏虎然牒發到山東德  
人來禱內補冠重整來追薦之加持報鄉土  
齊魂魄出黃泉歷雲遊歸紫府歸紫府之雲  
鶴不我拒哉普救免輪回子超昇仙盡與

發嘆歌

芝陽道友訪文登非是尋芳覓翠榮具說宰  
公投尺牘邀予掌醮救亡靈救亡靈事最好  
有些小事當分割惟恐後進相倣顰趕齋趕  
醮不修道不修道怎了仙了仙須鍊氣綿綿  
倒捲轆轤燈樹落斡旋宇宙性靈圓性靈圓

當積行引人回首歸清淨慈悲援溺布橋梁  
惻隱扶危立梯墜立梯墜作渡舟度人物外  
做真修柰何道友求追薦孜孜禱我救陰囚  
救陰囚如何是予乃無爲清淨士未嘗趨醮  
和天尊不會登壇行法事行法事請黃冠潔  
已登壇作內觀予應加持處環堵默禱本師  
天僊官天僊官重陽也發嘆起慈行憫化千  
重地獄枷鎖開一切亡靈罪情舍罪情舍暨  
孤魂同遊紫府入僊門不夜鄉中得真樂長  
春洞裏捧金罇

和胡講師韻

重陽真人尋友東遊寧海三髻懶漢選仙西  
訪長安長安大道如何者哉堪放落魄宜棄  
嬰孩既通玄趣當補形骸抽添運用次叙挨  
排飛鳥走兔雙戲俱皚煙消火滅銳挫強摧

氣六

四

斷除煩惱洗滌塵埃心無染著齒免齧齧金  
花要賞玉樹栽培火生慧草水長靈芟常教  
靈焰潑潑無令神水潰潰常教命燈明朗無  
令性燭沉埋尋訪同心同德講論有倚有挨  
三尸拜降方寸六賊難會九垓要斡旋壺中

日月須倒顛洞裏山隈得自然愛慾星散得  
自然人我星砮大藥清靈于玉鼎胎仙歌舞  
于瑤臺堪嘆利名之切切堪嘆生死之哀哀  
好把塵緣大家勘破休教走骨時暫狂乖決  
要鍊形如同槁木決要降心有若死灰異日  
丹成九轉携雲同赴蓬萊

立身法

立身之法分明說破意馬牢擒心猿緊鎖戒  
斷慳貪伏降人我節慎語言隄防口過莫起  
風波休生煙火忙裏偷閑閑中趑趄修仁蘊

德消災滅禍退已進入亦成仙果

了功乃內事非眼前境界真清真  
淨自然得之

頂中霞彩流眼中光明流耳中沖和流鼻中  
玉柱流口中甘津流心中真火流臍下黃河

真六

五

倒捲流木金隨波運轉流自然天地兩交流  
十分功滿性風流

燕句

擺脫名韁三島客掣開利鎖十洲仙長生路  
徑當修補不死根芽好鍊烹修心要做長生

客鍊性當爲活死人鍊氣氣和神踴躍修真  
真淨性玲瓏專心學道須通道堅志修仙決  
遇仙誰知神秀過才秀我覺心明勝眼明心  
沒攀緣神彩秀氣無凝滯性靈圓水中焰送  
三丹結火裏蓮生一性靈學道男兒無我相  
修仙烈士没人情志上博來心上悟道中通  
得妙中玄夢裏曾收無影劍法中去了有情  
心塵中無染心中悟道上通玄性上靈陰裏  
藏陽陽烜赫命中養性性玲瓏學道須憑心  
決烈修仙全在志堅剛石女吹簫鸞鳳舞沉

牛入海虎龍和玲瓏玉姹敲龍角惺灑金嬰  
跨虎腰瑤池殿下青鸞舞閬苑宮中白鶴飛  
袖裏青蛇三尺劍腹中白虎九還丹青霞宮  
裏收紅雪碧玉巖前賞赤松心清意淨天堂  
路意亂心荒地獄門幹旋決仗無爲力造化  
全憑清淨功一袖拂開沙世界三丹結正大  
羅仙捉住亘初靈底物得觀元始本來真六  
六陰消丹燦燦三三陽聚性靈靈雲根水骨  
歸金鼎汞髓鉛精聚玉鑪速把我人山放倒  
急將龍虎穴衝開踏碎龜蛇真活計和調龍

虎好生涯若要姍嬰雙戲鼎須教日月兩同  
宮鼎內精金生五彩鑪中美玉結三光兔走  
烏飛投氣海龍吟虎嘯入神京心猿緊鎖丹  
無漏意馬牢擒性自明降住天關并地軸幹  
旋坎虎與離龍猿顛馬劣難成道虎遶龍蟠

氣六

六

易見真心中事少憂愁少性上塵多疾苦多  
有有中非有有無無裏有無無

鍾因與僧燭律師殿試范壽卿於郡  
城之北三教堂一日焚香宴坐有五  
大師抱琴而來鼓之日具作琴操歸

山操蓋鉦有歸真之意也

能無為兮無不為能無知兮無不知知此道  
兮誰不為為此道兮誰復知風蕭蕭兮木葉  
飛聲嗷嗷兮鴈南歸嗟人世兮日月催老欲  
死兮猶貪癡傷人世兮魂欲飛嗟人世兮心  
欲摧難可了兮人間非指青山兮當早歸青  
山夜兮明月飛青山曉兮明月歸飢餐霞兮  
渴飲溪與世隔兮人不知無乎知兮無乎為  
此心滅兮那復疑天庭忽有雙華飛登三宮

兮遊紫微

癸卯歲師父丹陽真人一日俄肆筆  
而書名曰委形贊是歲果蟬蛻故集  
於是

衛身之光照耀非常衛身之獸風雲前後大  
哉登真委形而壽紺髮青眉紅頰素肌如龍

氣六

七

換骨如蟬蛻皮不作易性奚為空衣兀然若  
睡卧箕而歸大哉登真路入青溟麟隨絳節  
鳳捧朱輶鳴鸞珮玉履虛步雲超受真誥上  
登玉宸天路何長天人飛翔撻金拊石散花  
燒香聲動三界衆來十方群魔欽仰六丁驚

遑靈穎斯成幸無災螟却顧松栢非爲遐齡  
山有時崩海有時田天長地久永爲列仙

洞玄金玉集卷之六



